


## Katie Beardie

Katie Beardie had a coo  
Black and white about the mou  
Wasna that a dentie coo?  
Dance, Katie Beardie



Katie Beardie had a hen  
Cackled but and cackled ben  
Wasna that a dentie hen?  
Dance, Katie Beardie




Katie Beardie had a cock  
That could spin backin rock  
Wasna that a dentie cock?  
Dance, Katie Beardie



Katie Beardie had a grice  
It could skate upon the ice  
Wasna that a dentie grice?  
Dance, Katie Beardie

## Robin Reidbreist

Robin, Robin Reidbreist,  
Happin on a brier  
Oot amang the snaw and ice,  
While I sit by the fire.  
Tell me in your bonnie sang  
That ye're my frien sae true,  
And I shall gie ye meat and drink  
The hail winter throu.



by J K Annand

## Snailie Snailie

Snailie snailie on the waa  
Are ye niver feart ye'd faa?  
Wi yer hoosie on yer back  
Like a hiker wi a pack?  
Feech, snailie, dicht yer snoot  
Slivvrin ower the waiter spoot!



by Sheena Blackhall